

attinet, occurrit ille potissimum, quando hic humor per vias minus adæquatas ad insueta loca defertur, nempe vel ad M. S. si nimirum ordinarius ejus motus ad intestina, ob causas superius jam jam enumeratas, interceptus est, ubi dein, prout ex antedictis jam jam constat, modo Isterum, modo vari generis febres, in primis autem ardentes, post se trahit; vel etiam ad ventriculum, quorsum in statu s. n. itidem pervenire non debet, idque tam ob vitiosam & erroneam ductus choledochi in fundum hujus partis insertionem, quia exempla apud Barthol. CABROLIVM Obsrv. Anatom. 6. BONNETVM Anat. Pract. Lib. III. Sect. VIII. Obs. 34. p. 808. ZACVTVM LVSITANVM Prax. admir. Lib. II. Obs. 1. aliosque prostant; quam ob inversum intestini duodeni motum peristalticum, unde dein non solum nausea cibique fastidium, sed & ardor ventriculi, singultus vomitusque biliosi crebriores eveniunt. Et haec de præternaturali bilis depravatione & noxa pro hac vice adduxisse sufficiat, practicam enim horum vi torum tractationem modumque illa corrigendi & emendandi, alio tempore & occasione tradere lubet.

S. D. G.

